

附杏庭摘藁

續軒渠集

下冊

續軒渠集卷之六

元莆田洪希文著

明山陰蔡宗堯校

七言律詩下

過寧海祖居奉題屋壁示清甫姪

聚族有百餘家

水有源流木有根三洪餘慶幸滋繁
兩家譜系同三世百載衣冠萃一門
食舊豈能忘祖德擊鮮初不爲盤飧
畱題屋壁非無意要示兒孫手澤存

寄懷曲阜孔世良

清孔子五十三世孫乃祖孔元敬爲莆經歷表忠鄉口口予先

人

幾欲篇詩寄所思
離懷病思未能奇
愁雲長隔春天樹
好雨獨來秋夜池
佇立支頤扶柳栗
相思排瀝指鴟夷
問天畱取千尋綆
深汲終須慰渴飢

賣癡獸

歲尾年頭一局碁
欲拋鈍滯竟安施
不龜有藥乖時好
自薦無媒莫我知
非敢衒人爲佞也
必求賢士亦沽之
送窮乞巧皆名世
叫賣癡獸未算癡

腰背困倦累月矣
四月十六日夜對月
需酒獨酌

杯杓追明頗有奇效偶成一首

獨居孤憤意難忘對酒當歌且慨慷入髓無聲非浪語
到臍有效勝奇方暮年壯志豪猶在異地他鄉氣不常
半睡半醒天欲曙盎然肢體煖人湯

睡鳧

並睡雙鳧立水湄獨拳鼎足自撐支恬如李愬雪池夜
牢似陳搏雲岫時坦坦情知無畢弋欣欣物各有雄雌
偎香倚玉甘同夢莫與孤鸞別鶴知

清明遊陳氏園亭

村村花柳傍晴川百五時光過客然綠暗園林尙佳節
清明亭館自新煙喜逢熟食傳遺俗怕著新衣學少年
惆悵東闌花似雪人生底處勝樽前

書近事

振鬣長鳴眾馬瘖回思當痛苦爲禁世無直道深藏舌
歸擇清流重洗心雪日固無傷吠犬羽毛幸免作湯禽
非非是是無庸辨側聽林閒快活吟

送學錄林良佐職滿歸侍

冷官煖況有誰知乘興而來興盡歸薄俸儘堪供瘦馬

褐衫未必勝斑衣三年泮水芹無味八月秋風蓴正肥

紫帽翠壺纔接壤相思莫遣寸心違

宗正爲冷卿以其管玉牒所衛尉爲

煖卿以其管

儀鑾供帳

糖霜

春餘甘蔗榨爲漿色弄驚兒淺淺黃金掌飛仙承瑞露
板橋行客履新霜攜來已見堅冰漸嚼過誰傳餐玉方
輸與雪堂老居士牙盤琥珀妙稱揚

百里奚妻

閒關二國鬢成絲別去齊眉豈復知飯犢已登軒冕貴

烹雌誰憶屢屢炊淒涼空作孤鸞操惆悵多忘五羖皮
寄語諸公求利達幸毋遺訕及妻兒

題毛女像

避世逃秦去不歸見之時有獵中師飢腸所寄松爲食
寒骨偏紉櫛作衣雲鬢髯髻非寵日花容憔悴在宮時
隨風飄蕩知何恨似爾操心良獨稀

病起

不覺離羣旬浹閒諸生驚顧瘦欒欒浮雲蔽日身爲累
止水無波心自安甘寢有誰嘲廢學苦吟無味勸加餐

指揮窗外問童子戲瓦先除古井欄

楞嚴經月光童子白佛言吾作水觀

室中安禪有弟子窺窗惟見清水取一瓦礫投水我出定後頓覺心痛爾時童子來前說如上事我則告言汝今見水可除去瓦礫童子奉教入定時開門除之吾後出定身卽如初

手談

金人謹嘿口三緘時事祇應付手談垓下騎圍知項走

南陽檄定笑劉龕

楊子法言重黎或問義帝初矯劉龕南陽項救河北二方分崩一離一合

默推攻守籌應熟坐閱興亡戰自酣安石此時先意會
故將別墅付羊曇

心畫

六書之學不流傳心畫烏知所以然依類象形求意會
左規右矩悟情遷蔡襄楷法人加敬張旭行書世號顛
心正格君須有道當年筆諫有誠懸

懶

何心將相與王侯放浪形骸某水邱勘破世情如塞馬
略同心事僅沙鷗傾身障麓成何事開口飲醇良自謀
坎止流行隨所寓此身天地一虛舟

陪東泉郡公作霖料院

雨

登檝江水亭

峩峩高閣臨江渚千古驚濤拍石磯瓦棟龜魚知客至

水天霞驚背人飛奔流電激玻璃碎潄豔風生杖屨微
文采風流舊朝士岳陽景物尙依依

次周介福陳仲敷拉遊烏石山韻

聞道詩來子細看知君聯騎共遊山才高不在歐蘇下
國小難居齊魯閒閒氣不隨豪傑盡和歌始覺性情慳
故家天目猶無恙何日相期執手還

仙邑雙林溫泉與館所相距數里予老不欲往因
想像爲賦高唐

鴻濛煦氣妙氤氲槐火潛焚脈脈新脫兔知非机上肉

驚魚幸免釜中鱗
滌瑕要識陰陽炭
解凍能回澗谷春
得似舞雩童冠日
不妨也作浴沂人

送窮

發軔初攜一束書
可堪排笑有揶揄
得非其道不去也
贈若以文幾諂乎
韓謂五窮隨暑溼
柳云六極屏荒隅
賦文送逐毋庸悔
獨欠欬歔戲大儒

聞杜鵑

竄伏窮荒往事非
邇來何事與心違
空山信宿歌有客
故國淒涼賦式微
芳草斷魂終惜別
嫣紅啼血欲安歸

多情何似烏衣客盡日茅簷傍主飛

蜜蜂

閒倚闌干春晝長遊蜂几案竊殘香經營爲國心徒赤
辛苦無官腰自黃不避雨風終日出長隨潮汐兩衙忙
風簷乳燕將黃口要汝充飢慎自防

西山晚對頗挹爽氣偶成一首

扇搖落日漸昏黃日送栖鴉接翅忙宇宙山川明歷歷
古今賢哲逝茫茫悲歌挂笏追陳迹長嘯攜筇逗晚涼
擘畫載符錢十萬吾生從此足徜徉

此作在十年之前
今營壽域於此可

謂詩
識

幽居

一向山公謝不才
悄無俗士踏蒼苔
舊書餘草風搜遍
好樹開花月送來
老境道心殊覺長
盛年客氣已全灰
虛廊徙倚無聊賴
時復呼兒貰一杯

吾廬

不競錐刀不近名
野人逸興在林垞
琴臺側畔窺明鏡
甕牖中間列畫屏
扶老過鄰攜鶴膝
乘閒教子讀牛經
青銅三百買一斗
自醉有時還自醒

東窗小酌

赤丸白璧走西東
眼底兒童忽作翁
楚漢果云誰得失
曹劉若个是英雄
一尊竟醉何妨老
萬事隨宜但酌中
雨過前湖陂水滿
披衣且去理孤篷

止酌

幾人縱酒失驕慵
可怪香山作酒功
謬誤豈宜搜殿上
沈酣誰遣入禪中
矢辭所見耽狂藥
重罰應須出殺童
自是今朝真止矣
不成世只有陶公

夜讀燒松明

晝誦何如夜誦專幸然新禁弛松煙銅盤流液焚膏木
竹簡勞形校蠹編往訓難明前緒墜古人不死此心傳
齊奴薪蠟豪相尙深院呼盧未肯眠

艾天師

飛符走墨淨妖氛誦五千言道德尊稽首星辰辭玉局
託身蒿艾上朱門綵絲半繫佳人臂短些難招屈子魂
孔戶知無邪可辟治書餘暇笑開樽

酒熟戲作

問天吾道幾時行賣與光陰等踐更小杓夜瓶寒有力

大江春水滑無聲幾何鑄足須炊熟已向刀頭卜去程
卻悔芸人成底事長年谷口廢兒耕

醉鄉二首

此鄉曠蕩邈無垠土氣和平厚以醇但見八荒皆我闡
誰知四體是人身爲賢爲聖安時論無愛無憎樂性真
莫道溫柔能益老請君擇里必親仁

醉鄉話靶近詼諧亦有先生爲此來謁帝本求爲酒郡
禮賢更要築糟臺頌傳居易何加矣記辱無功亦偉哉
況值清時蠲戶稅與君執手且銜杯

七月初六夜玩河漢作

星燈月燭兩熒煌上界神仙事正忙河鼓明朝開綺席
天孫今夜試新妝遙憐凡聖皆如戲或說朦朧似未詳
卻笑羣兒爭拊缶鈞天豈是欠宮商

莆田王主簿館於祖居未曾覲面府委游洋覆實
宿予館所小詩奉簡

山谷縈紆勢似蛇藤蘿深處見人家大賢端若鸞棲棘
小卒恬無犬吠花捧檄周旋嚴所指按圖審覈斷無差
此行不至空歸去已識江州老孟嘉